



Nuuk 23. marts 2015

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Naalakkersuisut Kangersuatsiami tunisassiorfiup ammaqqinnissaa siunertaralugu qanoq pilersaaruteqarpat?**
- 2. Naalakkersuisut Kangersuatsiami tunisassiorfiup imermut attaveqannginnera qaqugu aaqiiviginiarlugu suliniuteqarlutik aallartinniarpat?**
- 3. Naalakkersuisut Kangersuatsiami tunisassiorfiup ammaqqinnissaa piffisami qanittumi pilersaaruteqarfiginngikkunikku, taava naalakkersuisut soqutigisinnanarpaat tunisassiorfiup Kangersuatsiami innuttaasunut, taakkulu eqqaamiuinut ingerlatassanngorlugu tunniutiinnarsinnaannginnerpaat?**

(Inatsisartuni ilaasortaq Peter Olsen, Inuit Ataqatigiit)

Naluneqanngitsutut Kangersuatsiami tunisassiorfik 2011-mili assigiinngitsunik peqquteqarluni matugallarneqarsimavoq, sulilu ullumikkumut ammaqqinneqarsimanani.

Ukioq mannarpiaq saarullipassuaqalersimavoq, taasumalu saniatigut aamma qalerallit aalisakkallu allat avannarparteriarporput, taamaattumik piffissanngorpoq iliuuseqarnissamut.

Kangersuatsiarmit taakkualu eqqaamiui inuussutissarsiornikkut periarfissaat pitsanngorsartariaqarpoq, aqutissallu ilagilluinnaqqissaarpaat tunisassiorfiup ammaqqinnissaa.

Taamatut tunngavilersuuteqarlunga matumuuna apeqquteqaatiga ingerlateqqippara.